

COMUN: **I sac dal ciomënt vëgn indô partis fora** de jená por dôt l'ann. Porchël é duc inviá da gní te comun dai 16 ai 31 de jená tran les ores d'ofize (lönesc-vëndres dales 8.00 - 12.30 y jöbia dales 14.00 - 18.00) a tó i sac por l'ann 2017.

SCORA: **Iscriziuns ala scora elementara 2017/18**: les iscriziuns ala pröma classa dla scora elementara vëgn tutes sö tles scores dla direziun raionala d'Al Plan en lönesc ai 23 de jená, dales 14.45 ales 15.45. I mituns/les mitans che complësc 6 agn cina i 31.12.2017 mess, i mituns y les mitans che complësc 6 agn danter le 01 de jená y i 30 d'aurí 2018 pó pié ia a scora de setëmbër 2017.

#### PLOANIES SAN MARTIN Y LUNGIARÜ

**Radio dla Cöra**: Le radio dla cöra che é da aldí oramai te vigni cöra dla Val Badia é – sciöch' i savëis- taché ite pro le Radio Sacra Famiglia da Balsan. I podun dí ch'al funzionëia dër bun y á na buna assistënza tecnica. La direziun prëia che ince nosta jënt contribuësc cun val' spënorá, por ch'al pois funzioné inant: „Radio Sacra Famiglia“ IBAN: IT36L0585611603052573727028 - Info plü avisa ciafëise sön scafa di libri apé de dljia.  
*le ploan, siur Iaco*

**Iade a Fatima**: Le santuar da Fatima zelebrëia en chësta ota i 100 agn de jubileum dles apariziuns de Santa Maria ai trëi picci famëis, ai trëdesc de vigni mëis da ma cina otober. N iade por sané vëgn dër aconsié. An podess ince de chësc vers ti fà na scincunda a valgügn. Nosta Diozeja organisëia n iade cun le vëscó dai 12 ai 15 de jügn cun prenotaziun cina ai 12 d'aurí: 0471 306 222 pilgerbuero@bz-bx.net - www.bz-bx.net/pilgerbuero  
*le ploan, siur Iaco*

#### Solenité de Sant Ujöp Freinademetz sö Oies:

Sabeda, 28 de jená 2017, 16.00: Mëssa cun le Cor de dljia da La Val y dales 20.00 adoraziun eucaristica y öspi  
Domënia, 29 de jená, 16.00: Mëssa cun le Cuartet dl Cor de dljia da S. Martin, dales 20.00 n'él plü degöna mëssa sö Oies.

#### PLOANIA SAN MARTIN

**Ala festa de Sant Ujöp da Oies podëssun s'arjigné** vigni de cun chësta oraziun: Dî, nosc Pere tl cil, te i as scinché a Sant Ujöp Freinademetz na fede via y n cör plëgn d'amur; insciö ál lascé süa patria por jì y se dediché ales misciuns tla Cina. I te periun: dásse por süa interzesciun ci ch' i adorun por nosta vita y straverdesse da ci che pó ester de prigo por l'anima y le corp. Dëidesse da confidé deplëgn te to amur y da imparé da conëscer y da fá deplëgn túa orenté. Sant Ujöp Frëinademetz, i te periun do túa interzesciun te nüsce fistidi y te nostes crusc. Te sas ci che nes stá por le momënt a cör, porchël te periunse do to aiüt. Prëiesse decá dantadöt na fede via y la forza da la vire tl amur a Chël Bel Dî y ala jënt incër nos ia. Amen.

#### PLOANIA DA LUNGIARÜ

**La Uniun di Seniors da Lungiarü** inviëia por en vëndres, ai 27 de jená, dales 14.00 da jì fora Runca a Al Plan a chidlé. Le chidlé ( paié dala uniun) é debann. Prëibel prenotesse cina en jöbia sëra pro Annelies 0474 590 067 o 346 35 87 173. Gnide duc!

**I jogn dl comun da San Martin** organisëia en sabeda, ai 11 de forá, na jita cun la liösa a löna colma sö dala Edelweißhütte/Colfosch. Le bus pëia ia da Antermëia dales 18.00, da Lungiarü dales 18.30 y da San Martin dales 18.50 (tres dala plaza dl paisc) y condüj indô a ciasa dales 02.30. Lassö nes aspeta na buna cëna. Le cost é de 30 € porom. I jogn de duc trëi i paisc dl comun é dër bel inviá da tó pert y dess s'anunzié danfora pro Dennis 346 95 70 357 o pro n ater mëmber dl consëi di jogn cina en domënia, ai 05 de forá. Chi che ó gní jö cun la liösa dess s'la tó do. Eventualmënter él la poscibilité da jì sö y jö cun le iat (4 €).



www.unitepastorala.org

## Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it  
redaziun: anton.gasser@rolmail.net - 348 27 44 517 / 0474 523 194

**22.01.17 – 29.01.17 nr. 9**

termo da publiché: jöbia 20.00  
radio: 90,40 / 93,70

### 3<sup>a</sup> DOMËNIA IA POR L'ANN - A

**Vangele: Matí 4,12-23**

Gejú ê passé dlungia le lëch de Galilea, y á odü dui fredesc,  
Scimun, nominé Pire, y so fre André,  
ai é dër tl sciuré fora la rëi te lëch,  
ciódich' ai é pesciadus.

Y al ti à dit: Gnide do a mé!

I fajarà fora de os pesciadus de jënt.

Atira ài lascé dailò sües rëis y ti é jüs do.

Da jì inant àl odü dui d'atri fredesc,

Iaco, le fi de Zebedeus, y so fre Jan;

ai é cun so pere Zebedeus te barca y arjigné ca sües rëis.

Al i à cherdè, y atira ài lascé la barca y so pere y ti é jüs do a Gejú

Gejú rodâ por döta la Galilea, insignâ tles sinagoghes, incündâ

le vagnele dl rëgn y varî tl popul dötes les maraties y les soferënzes.



*Le comportamënt de chisc dui pers de fredesc n'é nia saurí da capí.*

*Arbandoné döt cant y se lascé ite sön val' ch'ai ne conësc nia.*

*O magari conesciöi Gejú bele da denant.*

*Le rëgn dl cil é daimpró! Sce le rëgn dl cil é daimpró, chësc möda döt.*

*lò ne sun nia bun da mudé vita tan te n iade, y i ne l'oress gnanca.*

*É porchël mia fede debla?*

*Cis sc'i ciari che le rëgn dl cil á mudé tan püch da 2000 agn incá?*

*Forsc pó la resposta ala cherdada de Gejú ince ester atramënter,*

*y gní dada dailó olache Chël Bel Dî m'á metü te mia vita.*

*Dessigü, la cuntia dla cherdada di pröms discepui é da tó söl sciode,*

*mo nia vignun ne mëss s'astilé sciöche ëi y lascé döt.*

*Tó söl sciode significhëia, tres indô ti jì do ala cherdada de Gejú.*

*Al é tres indô situaziuns tla vita che ghira ch'i me comportes da cristian. (image)*

	SAN MARTIN		LUNGIARÜ
<b>22.01.17</b> <b>3<sup>a</sup> DOMËNIA ia por l'ann A</b>	<b>9.00 Corona</b> <b>9.30 Gran Mëssa por la comunité</b> <i>oferta por scialdé la dlijia y la calonia</i>	<b>22.01.17</b> <b>Domënia</b>	<b>7.55 Corona</b> <b>8.15 Gran Mëssa por la comunité</b>
23.01.17 <b>Lönesc</b> <i>Heinrich Seuse, Eugen</i>		23.01.17 <b>Lönesc</b>	
24.01.17 <b>Dedolönesc</b> <i>Francësch da Sales, Vera, Arno</i>	<b>19.30 Mëssa</b> de rengr. por fam. Manuel Moling fam. Ferdigg Burchia, Ju ++ fredesc y sorus Flöss, Hotel Diamant <b>20.00 Sentada dl Consëi de Cöra</b>	24.01.17 <b>Mertesc</b>	
25.01.17 <b>Dedemesaledema</b> <i>Converjiun de San Paul, Susana</i>		25.01.17 <b>Mercui</b>	<b>7.50 Mëssa di scolars</b> dl ann + Pire Mischi ++ Giovanni y Maria Terza ++ Maria y Paul Castlunger
26.01.17 <b>Jöbia</b> <i>Timoteus y Titus, Paula</i>	<b>7.30 Mëssa</b> families de Purgl Clara por les Animes + Nane Pedevilla, La Pli +++ Berto, Monica y Sepl Tavella <b>Corona por vocaziuns</b>	26.01.17 <b>Jöbia</b>	
27.01.17 <b>Vëndres</b> <i>Angela Merici, Manfred, Rosalia</i>	<b>18.30 Adoraziun chita</b> <b>19.00 Devoziun a Sant Ujöp Freinademetz</b>	27.01.17 <b>Vëndres</b>	<b>7.30 Mëssa</b> + Cecilia Clara ++ de Giuseppe Dapoz ++ Giovanni y Maria Terza
28.01.17 <b>Sabeda</b> <i>Tomesc d'Acuin, Carl, Carolina</i>	<b>8.30 Incuntada cun i Crejimanc</b> <b>15.30 Mëssa tla Ciasa de Palsa</b> <b>18.30 Mëssa prefestia</b> familia de Alfred Verginer dl ann + Vigile Moling + Pepi Dejaco, Larjëi <i>oferta por scialdé la dlijia y la calonia</i>	28.01.17 <b>Sabeda</b>	<b>20.00 Mëssa prefestia</b> dl ann + Pire Daporta, Pinis dl ann + Pire Clara, Mair dl ann suor Maria Regina Costa
<b>29.01.17</b> <b>Solenité de S. Ujöp da Oies</b> <b>4<sup>a</sup> DOMËNIA ia por l'ann A</b>	<b>9.00 Corona</b> <b>9.30 Mëssa solëna por la comunité</b> <i>oferta por scialdé la dlijia y la calonia</i>	<b>29.01.17</b> <b>Domënia</b>	<b>7.55 Corona</b> <b>8.15 Mëssa solëna por la comunité</b>

La festa de Sant Ujöp, toma en chësta ota de lönesc, ai 20 de merz, impede ai 19 de merz